



Politička organizacija građana "Naša stranka"

Branilaca Sarajeva 5/1, 71 000 Sarajevo

Telefon: 033 408 888; Fax: 033 408 881

E-mail: nasastranka@nasastranka.ba

Web: www.nasastranka.ba

Elvis Vreto

Zastupnik u Skupštini Kantona Sarajevo

7.radna sjednica

Broj: ____/19

Sarajevo, 17.04.2019.

Dostaviti:

Bosna i Hercegovina

Federacija Bosne i Hercegovine

Kanton Sarajevo

Skupština Kantona Sarajevo

n/r predsjedavajući Skupštine Kantona Sarajevo

Uputiti: Vlada Kantona Sarajevo

Ministarstvo komunalne privrede i infrastrukture

Predmet : Nezadovoljstvo odgovorom na postavljeno pitanje 3.radna sjednica.

Na 3.radnoj sjednici sam postavio pitanje u vezi neobjasnjivo dugog protoka vremena a da Odluka o zaštiti izvorista Sarajevsko polje nije donijeta. Obzirom da sam dobio odgovor Ministarstva Privrede kojim nisam zadovoljan a kako se radi o jednom od najznacajnijih pitanja za građane KS molim sve zastupnike a pogotovo i one koji su postavljali pitanja vezana za ovu problematiku da obrate pažnju na odgovor i sljedeće :

Moje pitanje se odnosilo na dostavu odgovora u vezi razloga za protek osam godina od pokretanja postupka za donošenje Odluke o zaštiti izvorista Sarajevsko Polje a za koju smo do sada platili nekoliko stotina hiljada maraka. Također sam pitao dali se na osnovu izmjenjenog cl.43.Zakona o vodama može donijeti Privremena Odluka o zaštiti izvorista ?.

Ministarstvo odgovara da zbog neusklađenosti Zakona o vodama FBiH i RS nije bilo moguće donijeti Odluku . Istina je da postoje različiti nazivi organa/Vlada u FBiH i Ministarstvo u RS koji trebaju zajednički donijeti Odluku obzirom da se zone sanitarne zaštite prostiru na oba entiteta ali je ovo bilo davno poznato iz vazecih zakona i podzakonskih akata : Zakon o vodama FBiH sl.n.br.70/06, Pravilnik o načinu utvrđivanja zona sanitarne zaštite za izvorista za javno snadbjevanje stanovništva sl.nov.FBiH br.88/12 kao i elaborat zaštite i 2012 god.

Dakle čekamo 4 godine pa kao spasonosno mijenjamo Zakon o vodama KS /Sl.nov.KS. 42/16 pa onda čekamo godinu da formiramo komisiju za ocijenu elaborata i izradu Nacrta Privremene Odluke. Nakon proteka 1 godine komisija dostavlja izvještaj i Nacrt Odluke.

Prolazi još jedna godina od dostave nacrta i da bi sada nakon mog pitanja bilo dato obrazloženje da će biti poslan nacrt Vladi na daljnju proceduru.

Svakako evidentni prekidi aktivnosti su doveli do ovakvog kasnjenja , koje se najvećim dijelom odvijalo u proteklim mandatima i sigurno je jedno, da oni koji su ovaj najznacajniiji projekat doveli u blokadu, u najmanju ruku moraju biti imenovani, kako bi izgubili sanse za ponavljanje neodgovornog djelovanja.

Nazalost nisam na ovo dobio odgovor Ministarstva.

Nadalje Ministarstvo se poziva na Nacrt Privr.Odluke dostavljen od komisije ali ne navodi da komisija u svom izvjestaju tacka.2.2.4.str.11.tacka 2.navodi da bi se elaborat morao preraditi kako bi Vlada stekla nadležnost za daljnje ucestvovanje u ovoj proceduri. Na isto obavezuje i stav 2.izmjenjenog clana 43 zakona o voda KS koji definiše, da se mjere zastite utvrđuju Odlukom i elaboratom koji je kako vidimo osporen.

Stoga je nejasan ovakav previd a sto znaci novo produzavanje agonije .

Ponavljam da je komisija uslovila donosenje Privremene Odluke izmjenama Elaborata, pa ako izmjene nisu izvršene kako upućujemo Vladi na daljnju proceduru ?

Moram reci da mislim da ocigledno nedostaje kompetencija, sa elementima finansijske zloupotrebe , jer se ne iznalazi model utemeljen na vazecoj legistlativi kako bi se ovaj slozeni problem blokade projekta otkocio i doveo zadanom cilju. Obzirom da sam u prošlosti bio dio radne grupe u Općinskom vijeću Ilidza koja se bavila ovom problematikom Vodozaštitne zone moram istaći apsolutno nezadovoljstvo pristupom ka rješavanju problema kao i ne postojanje odgovornosti. Kako je moguće da jedna te ista osoba bude angažovana u timu za izradu Eleborata i daje pozitivno mišljenje a zatim i u Komisiji za ocjenu elaborata u ime Ministarstva u kojoj iznosi mišljenje da Elaborat ne ispunjava uslove ?

Molim resornog ministra Bašića koji nema apsolutno nikakvu odgovornost za prethodni period kao ni sadašnja Vlada, da uradi reviziju i analizu, uzimajući u obzir sve gore navedeno kako bi Vlada na pravi način reagovala i donijela kvalitetna i dugoročna rješenja za donošenje odluke po pitanju Vodozaštitne zone Sarajevsko polje.

S poštovanjem.

Elvis Vreto

Zastupnik u Skupštini Kantona Sarajevo

Naša stranka